



Tir Yimym

www.tiryimym.in

Regd. No. RNI. NAGAAO/2004/13113. Postal-NE/RN-717.

e-mail : tiryimym@gmail.com

TAPAK 3 Yangia anidakangma : Tir Yimym

tiryimym@aolima

tir yimym

TAPAK 8

PM Modi-i Rozgar Mela kübok mapanung shimokba shidi 71,000 agütsü

Australian Open: Stefanos Tsitsipas, Iga Swiatek-i takok angu



VOL. XX NO. 99 (ADOK 99)

DIMAPUR

KÜPTOKNÜ (SATURDAY)

AENJETI (JANUARY) 21, 2023

₹ 5.00

Akhoya yimtak 69 Buba AKM Inti Mungdang tajangzükma nung tembangogo

Akhoya, January 20, 2023 (TYO): Akhoya yimtak 69 Buba Ao Kaketshir Mungdang Inti Mungdang January 18 nungi 20 tashi ayongzükma akaba kangadang tajangzükma nung tembangogo.

69 Buba Ao Kaketshir Mungdang Inti Mungdang shibangtsür taoba AKM Tir Wb.T. Mulung Aier-i mapang tatsüka agia jembidang tang 69 buba mungdang Omen "Mapaküm Shisaluyim" dak ajemdaker mezüngbuba nung election anaai arur clean election ta asübatokuli sayudi arung, süpokrem magii lenir tajung shimba tenzükdi arung ta adenshia aliba lanu asensor mungdangsanger ajungshia ayimoktsü.

Mulung Aier-isa mungdang tang mungdang senshiba sülen yabo pei sasa züsenteta peria chia jema aliba nübur südi, AKM kum noklang ka ajungba mungdang nungjibo asenok sasa züsentetba agi peria chia jemer senshitsuasa tang nungi merangdi arungta mungdangsanger ayongzükma liasü.

Changtongya Baptist Arogo Sannüker-i sarasadema sentong tenzük aser Kongro Watikumla A Jamir-i ken tena telok ajungmeso.

Maneni AKM Planning Committee Convenor, Imkongsunep aser Local Planning Committee Convenor



2023-2026 AKM ketdangpur tasen shimertem Touring Missionary, Unger Wb.Lima Imsong-i ketdangpur tasen atema sarasademtsüba mapang nung tangokba noksa.

Wb.Aochuba IFS tenati melepzüing o jembiaser Pangzüing Luden aser Nungtet Luden ajanga osangtem bener arua telok nem metetdaksü aser Touring Missionary, Unger Wb.Lima Imsong-i ketdangpur tasen atema sarasademtsüba liasü.

69 Buba AKM inti mungdang shibangtsür sentong nungbo Nagaland Higher Education & Tribal Affairs Minister liasü ska pa marutet nung pa yokba shity Tir Sb.Nungdokyanger-i lokti dang zünga lemsatepa liasü Menden toktsür

Sb.Nungdokyanger Ao aser menden agizüker Sb.lanutoshi Aier tenati tatem o aser tagizükba o jembiba den

mungdang choir ajanga ken ka tena telok saksalemdaksüba den Longchara Baptist Arogo sannüker Wb.Moameren-i sarasadem sentong tembang.

Sentong den repsema maneni 70 Buba Ao Kaketshir Mungdang Inti Mungdang Chungtia yimtak akatsü nüngtem nung Chungtia Kaketshir Telongjemi Mungdang penzü sayaa liasü.

69 Buba Ao Kaketshir Mungdang Inti Mungdang Pangzüing yamai alitsü:

1. Akhoya Shisaluyimer Telongjem-i civil service project ka tenzükdaksünüa bendang. Iba project ajanga kaketshir ajangzüktsü ta ajiteta, AKM-i

tentetsü aser iba fund ajanga Aor kaketshir shibai UPSC prelims ajangtedir, pa/la nem AKM-i senotsü lenmang nung yaritsü. Iba trust fund tenteta aotsü asoshi Akhoya Shisaluyimer Telongjem-i sen tenla lakh pongo (Rupees five lakhs) agütsüba agizüka ayur.

2. Mungdang Omen 'Mapaküm Shisaluyim' nung ajemdaker AKM-i Conclave ka mapang apir ayongtsü. Iba conclave teranglok itemi alistü

- Entrepreneurship
- Career guidance
- Research Development & Innovation
- Financing & Job mela.

Iba conclave teranglokbater kaketshitemi tejangdanga amshitetsusa mobile APP ka launch asutsu.

UPSC aspirants Trust fund ka

2023 nungi 2026 tashi AKM Ketdangpurtem yamai alitsü:

- Tir - Sb. Lanutoshi Aier, Lirmen, Japukong Kaketshir Mungdang
- Tatong Tir - Sb. Onenpong, Kinunger, Ongpangkong Kaketshir Mungdang
- Tongti Zülur - Sb. Sademmongba, Akhoya, Langpangkong Kaketshir Mungdang
- Repsem Zülur - Sb. Pangjungkaba, Chungtiayimsen, Tsürangkong Kaketshir Mungdang
- Shisaliok Zülur - Sb. Lanulemba Longchar, Süngratsü, Asetkong Kaketshir Telongjem Mungdang
- Sobaliba Zülur - Sb. Imnayachet Molier, Mongchen, Jangpetkong Kaketshir Telongjem Mungdang
- Metetpela Zülur - Sb. Bendangnangba, Chungtiayimsen, Tsürangkong Kaketshir Mungdang
- Saisapong Zülur - Sb. Temlangsangba, Longkhum, Ongpangkong Kaketshir Mungdang
- Sen otsü zülur - Sb. Ayimakum Aier, Longjang, Asetkong Kaketshir Telongjem Mungdang

NBSE-i PWDs atema webinar ayongzükter

Dimapur, January 20, 2023 (TYO): National Education Policy (NEP) 2020 ya Equitable and Inclusive Education-Learning for All alizüing yur yangluba lir ta Nagaland Board of School Education (NBSE)-i metetdaksü.

Ano, Rights of Persons with Disabilities (RPWD) Act, 2016 ajanga matamabensar kaketshirtemi tangar den külemi shisaliok bushitsu lateta lir ta NBSE-isa ashi.

Anungji NEP-2020 aser RPWD Act, 2016 nung lateta aliba ama NBSE-i March 21, 2022 nü sangdong ka ajanga 'Revised Rules relating to students with disabilities' metetdaksü.

Iba maparen asoshi NBSE-i Changeinkk Foundation den yaritepa December 3, 2022 nü NBSE indang portal nung SLD (Specific Learning disabilities) chatbot ka tenzükma lir.

Osang tali angajemtsü asoshi NBSE-i Changeinkk Foundation den külemi reju

tekolakpurtem asoshi webinar ka agitsü ayongzükter. Anungji reju ajak nung tekolakpurtemi iba webinar nung kechi südir süaka adentsü tetuyuba agütsür, ta NBSE-i metetdaksü.

Changeinkk Foundation ya non-profit organization ka lir aser parnoki matamabensarter aser talisa SLDs nunger asoshi lenmang lapoktsüba mapatem inyaker.

Iba seminar nung classrooms nung matamabensar kaketshirtemi tajungba angazükdaksütsü atema asalentongtem sayutsü.

Webinar indang link- http://changeinkk.org/nbse_webinar

23.01.2023 - 11:00 a.m. to 1:00 p.m.

Dimapur, Chumoukedima, Niuland, Wokha, Mokochung, Longleng, Peren.

24.01.2023 11:00 a.m. to 1:00 p.m.

Kohima, Tseminyu, Phek, Kiphire, Tuensang, Mon, Zunheboto, Shamator, Noklak.

Assam nung G-20 senden atema renemshir

Guwahati, January 20, 2023 (Agencies): India kübok tesem aika nung renemba ama Assam nunga kanga tongtipang G-20 meet atema renemer.

Assam nung G-20 indang senden 5 shi ka amentsü. Guwahati nung asem aser Dibrugarh nung ana amentsü.

India-i G20 Presidency leniba mapang Mumbai, Bengaluru, Kolkata, Udaipur aser Ahmedabad yimtem nung G20 sendentem menogo. Ano yimti 50 shi ka nung senden 200 tema amentsü sentong lir.

Working Group Meetings of

2023 nung infrastructure, development, health, education, employment, finance, aser sustainability indang jembitsü.

Northeast aser talisa Assam ajanga Asia-Pacific region nung tongti shilem agitettsü. Anungji G20 senden takok ngua amenba ajanga Assam ajungkettsü. Guwahati nung February 2 & 3 anogotem mezüngbuba Sustainable Finance Working Group senden amentsü.

India-i G20 Presidency anguba sülen Prime Minister Narendra Modi aser Chief Minister o Governor tem video

conference ajanga külem senden ka amendang Assam nung G20 senden 5 amentsü lemteta liasü.

October aser November, 2023 tsüingda G20 Delhi Summit alitsü aser iba tenüing nung tongtipang yimtem nung events/sessions 200 tema ayonga agitsü.

G20 indang seminars aser meetings nung health, labour, finance, environment, education, climate change amala onüktem lemsateptsü. Ano, T-20 Summit, W-20 Summit, Y-20 Summit, Think Tank Summit amala Sessions agitsü.

R-Day nung Egypt President el-Sisi tongti tesemdanger asütsü

New Delhi, January 20, 2023 (Agencies): Taküm India indang Republic Day benjongmung nung Egypt President Abdel Fattah el-Sisi-i tongti tesemdanger shilem agitsü, ta Hokolbarnü Centre-i metetdaksü.

India Republic Day nung West Asian aser Arab lima nungi tongti tesemdanger ama shilem agibaji pa nisung pungububa lir.

President el-Sisi-i January 24 nü New Delhi atongtsü aser idangji Minister of State for External Affairs, Rajkumar Ranjan Singh-i pa pelashishia agizüktsü.

January 25 nü pai Prime Minister Narendra Modiaser Vice President Jagdeep Dhankhar na den ajuruteptsü aser President Droupadi Murmu-i ayongba

banquet nung adentsü.

President el-Sisi-i semdangba den Egypt nungi züingsem 180 agi akümba telok kati parade nung shilem agitsü aser linük ana tsüingda tenangzükba aika nung sign süteptsü imlar.

Iba nüngtem nungsa India aser Egypt tsüingda küm tesentaktep 75 ajungba tenüing nung commemorative stamp ka sayatsü.

Naga Mothers' Association-i yimjung asoshi tayongzükba agütsü

Dimapur, Aenjeti/January 20 (TYO): Tawa NSCN (IM) aser NNPG lenirtemi külem sangdong ka sangdongba Naga Mothers' Association (NMA)-i pusemba metetdaksüogo.

Iba ajanga asenok yongtsü nung tangatettep tajungba akümtsü aser Naga nunger temeden aser puti otsü akümtsüba yimjung asoshi sensaksema aliba ken o tajungtiba nung tembangtsü imlaba NMA-isa lemsatsep.

Parnokisa, Forum for Naga Reconciliation (FNR)-i achaayanga yimjung asoshi maparen balala benoka inyakba atema kanga pelaba lemsatsepogo.

Maneni NMA-i, NSCN (Khango) lenirtem dang mangatettep aliba benteta Naga nunger ajak ajanzüktsü asoshi longjemmer inyaksü mepeshia metetdaksüogo. Naga nunger atema tang ya kanga tongtumbang mapang ka lir

aser tetsütem ama Taga CHQ densema Myanmar nung amenoka aliba lenirtem den yimjung asoshi tongtepogo aser Yangkhao yimtsü nung yimjung asoshi jembishinüba pelashishia agizükogo.

Maneni NMA-i, jurila mangatettep alibattem toktsür takaratiba nung longjemtsü mepeshiba den Naga nunger puti otsü nung yimjung aser taitoktepbba tang kanga nungdaka lir, ta ashi.

Mokokchung, Phek aser Longleng atema tetuyuba agütsü

Dimapur, Aenjeti/January 20 (TYO): Mokokchung DC & DEO Shashank Pratap Singh-i sangdong ka ajanga, Mokokchung district nung 14buba Nagaland Legislative Assembly, 2023 yimjung nung agitsü atema arms license bena alir ajak dang prangbong hadir den külemi arms license tem ajak parnok anasatiba aliba police station nung January 27 nü tashi nung anepdang 9:00 nungi nikongtsütsü 3:00 ako tsüngda agütsütsü metetdaksüogo.

Tetuyuba sülen manidakertem temzüng ozüng dak ajemdaker tapet temerenshi agütsütsü. Election inyakyim metembang tashi arms license magütsütsü aser renew-a mesütettsü. Maneni CRPC 1973, section 144 kübok

temelaba agütsür alirtem dak alaka license aliba arms tem süaka election inyakyim metembang tashi bener senzütsü memelar, ta DC-isa metetdaksü.

Iba dak sendakba nung administrative officer ajak dang hadir balala ajak indang arms license bena alirtemi parnok indang license aser hadirtem police station nung agütsüdagütsütsü asoshi jenjang tapet agitsü, DC-i tetuyuba agütsüogo.

Kasa mapang nung Deputy Commissioner & District Election Officer, Phek, Kumar Ramnikant IAS-i sangdong ka ajanga 14buba Nagaland Legislative Assembly, 2023 dak sendakba nung Phek District kübok arms license bena alirtem dang parnok indang prangbong

hadir den külemi arms license tem ajak parnok anasatiba aliba police station nung January 31 nü tashi nungbo agütsütsü metetdaksüogo.

Temzüng ozüng dak ajemdaker atakzükja aliba mapang tashi nung tetuyuba sülen manidakertem indang license magi kümdaksütsü, ta DC-isa metetdaksü.

Maneni Longleng nunga arms license bena alirtem dang parnok indang prangbong hadir den külemi arms license tem ajak parnok anasatiba aliba police station nung January 31 nü tashi nungbo agütsütsü metetdaksüogo.

Tetuyuba sülen manidakertem temzüng ozüng dak ajemdaker parnok indang license magi kümdaksütsü, ta metetdaksüogo.

Kohima nung Technical Seminar ka agiogo

Dimapur, Aenjeti/January 20 (TYO): JICA Survey Team kübok Department of Health and Family Welfare aser Nagaland Medical College Hospital nung project tajungba inyaksü atema Japan aser tanga state tem inyakyim tajungtem, shisatsü aser technology benoktsü asoshi 'Preparatory Survey on Nagaland Medical College Hospital Development Project' dak sendakba nung Technical Seminar ka agiogo. Seminar ya January 20 nü Hotel Vivor, Kohima nung agia liasü.

Sentong nung Commissioner & Secretary, Health and Family Welfare, Y. Kikheto Sema, IAS-i, Nagaland nung nütsünyongtsük ishika dang ajisüaka alinük memedemba ajanga tetsükdaksü aika adoker aser iba den health sector ya kanga junga asadangtsü nungdaker, ta ashi.

State yimjung nung lir aser tang medical college ka amenoktsü atema project ka benokogo anungji mozüki tajung ka nungdaker, ta shia pai, Regional Institute mesüra National Institute ka atema state-i Union Government nungi senotsü teyari nungdaksü aser kuli balala ajanga Union Government aser tanga agency balala teyari nungdaksü ta ashi. Pai, Japan International

Cooperation Agency (JICA) den sen crore 533 alang mezüngbuba project ya 2015 küm tenzük aser 2019 küm sen crore 115 bo nguogo aser iba project ya 2027 küm March ita 31 nü tembangtsü ta ashi. Paisa, yipden 400 aketba mozüki ka amenoktsü atema teyari agütsüba atema JICA dang kanga pelaba lemsatsepba den iba project takok ngua aotsü imlaba lemsatsepba liasü. Nüburtem nem health service dalang aser tajung agütsütsü atema state sorkar tejangraba lir ta shia office ajak dang longjemmer inyaksü ayongzük, kechiyong mozüki ka medeni medical college ka amenokbaji tagidak mali asütsü, ta pai ashi.

Maneni Y. Kikheto Sema, IAS-i, iba workshop nung densema aliba züngsemtemi mapang alemtsü atema inyaksangshitsü, sorkar nem kechi inyaksangshitsüner aji jangjatsü aser imlaba ataloktsü atema JICA team-i kechi inyaksüla, item ajakji asatettsü imlaba lemsatsep. Pai, state nung district hospital, CSCs, PSCs, aser primary health centre 608 lir ta shia department kübok officer aser staff tem dang nüburtem nungdakba aser talisa yimyak yimtsütem nung nüburtem nungdakba peritsütsü atema jenjang tapet agitsü ayongzük, kechiyong item

mozüki aser centre tem infrastructures mejungi lir, ta ashi.

Kasa mapang nung JICA Survey Team lenir Keiko Nagai-i, Preparatory Survey on Nagaland Medical College Hospital Development Project indang Power Point presentation ka agütsü aser iba project nukjidong, component, koba tesem dak rangloker inyaker, Concerned Agencies, preparatory Survey, UHC ajungkettsü atema inyakyim aser 2023 küm terenemshiba balala mapanglem indang metetdaksü. Laisa, JICA aser Official Development Aid (ODA) Loan aser project atema Applicable Japanese Technology aser Experiences tem indang lemsatsep.

Sentong nungsa Professor, Faculty of Chemistry for Medicine, Kagawa University, Prof. Kenji Wada-i, power point presentation ka ajanga AIIMS aser tanga Institute tem atema JICAAdvanced Training ajanga angazüktsü alibattem lemsatsep aser Medical Human Resources Development Expert, JICA Survey Team, Dr. Yoshihisa Yamazaki aser Yukari Oshima nati Japan nung Teaching Hospital nung Clinical Training tatishitsü rasa ashi. JICA Survey Team nungi züngsem tekui iba Technical Seminar nung shilem agia liasü.

DC & DEO Longleng-i tetuyuba agütsü

Dimapur, Aenjeti/January 20 (TYO): Taruba Nagaland Legislative Assembly 2023 General Election kecha tebandang makai sadem sadema yimjung nung agitsü atema Deputy Commissioner & District Election Officer, Longleng Dharam Raj-i, India temzüng ozüng kübok Article 326, koba ajanga temsüa aliba lisopur ajak nem Universal Adult Suffrage agütsür, iba den Conduct of Election 1961 Rule 39 koba ajanga elector temi vote agütsüba memetetdaksütsü atema tuyur aser Representatives of People Act 1951, Section 135A koba ajanga Booth tem amokbangba tenokdangba agütsür lir, item tetuyuba sülen anidaktsü metetdaksüogo. Booth tem amokbangertem

tepuokdaki yoktsü koba küm ka dak tajemba masütsü aser senchi dena küm asem tashi tepuokdak ayutsü akok.

Iba den candidate/political party ka pusemba indang yimtsüng/ward/Khel mesüra lokti balalai sangdong balala ajanga sangdongba aser electronic/print media nung publish asüba ya temalen shisema aliba provision tem anema lir.

Anungji yimtsüng, kiyong, lokti tentet mesüra Media house kari danga taruba Nagaland Legislative Assembly General Election dak sendakba nung shisema aliba provision tem anema inyakra aibelenertem anema temzüng ozüng kübok jenjang tapet agitsü, ta DC-isa metetdaksü.

District Control Centre inyaksangshishi tenzükogo

Dimapur, Aenjeti/January 20 (TYO): Deputy Commissioner aser DEO Dimapur, Sachin Jaiswal IAS-i sangdong ka ajanga District Election office Dimapur kübok District Control Centre metetdaksüogo.

Iba dak sendakba nung sangdong ajanga metetdaksü.

nüburtemi Dimapur district kübok taruba Nagaland Legislative Assembly 2023 dak sendakba nung ken o balala atema Dimapur district control center (phone number: 1950 aser 6009082491; For complaints: 03862-248009) teyari agitettsü, ta kasa

MCC atema Kohima DLSC tentetogo

Dimapur, Aenjeti/January 20 (TYO): 14buba Nagaland Legislative Assembly Election, 2023 atema DC & DEO Kohima-i, Model Code of Conduct asoshi District Level Standing Committee (DLSC) tentetba sangdongogo.

District Level Standing Committee (DLSC) yamai alitsü:

1. DC & DEO Kohima : Convener
2. Superintendent of Police, Kohima : Züngsem
3. SDO (C) Hq. & Nodal Officer (MCC) : Züngsem
4. All ROs/AROs Kohima district : Züngsem
5. Administrator KMC : Züngsem
6. EEM Nodal Officer : Züngsem
7. President & General Secretary of Recognized Political Parties, Kohima district : Züngsem
8. President & two representatives Angami Public Organization : Züngsem
9. President & two representatives, Angami Miapfu Mechu Krotho (AMK) : Züngsem
10. President & two representatives, Angami Youth Organization : Züngsem
11. Assistant Election Officer : Züngsem.

DEO-isa, 14buba Nagaland Legislative Assembly Election, 2023 ya tebandang kecha makai sadem sadema yimjung nung agitsü atema iba dak sendakba ken o sensak asemtsü asoshi Committee ya nungdakba mapang nung mapangshia ajuruteptsü, ta ashi.

Model Code of Conduct ya Commission-i election agitsü sangdongba anogo nungi election inyakyim metembang tashi political party balala, candidate tem, government department tem aser nüburtemi shidak benoka inyaksangshidaksütsü atema Committee-i achaayangtsü.

Committee senden mezüngbuba January 20 nü Deputy Commissioner, Kohima Conference Hall nung menogo.



DC & DEO Dimapur den Sweep Icon (tachichi nungi 5buba) aser tanga ketdangsurtem The Sweep Poster Campaign amenokba sentong nung tangokba noksa nung angur.

DEPARTMENT OF POWER, GOVERNMENT OF NAGALAND, KOHIMA

PRESS NOTE

PUBLIC NOTICE IN RESPECT OF

PETITION FOR APPROVAL OF ARR & TARIFF PROPOSAL FOR THE FY 2023-24.

FILED BY

DEPARTMENT OF POWER, GOVT. OF NAGALAND BEFORE
NAGALAND ELECTRICITY REGULATORY COMMISSION (NERC)

1. Notice is hereby given to all consumers and stake holders that the Department of Power, Government of Nagaland, a Deemed Licensee, has filed the Petition For approval of ARR & Tariff Proposal for the FY 2023-24 before the Nagaland Electricity Regulatory Commission (NERC), on 19-12-2022 under section 61, 62 & 64 of the Electricity Act 2003. The petition has been admitted by the Hon'ble Commission on 21-12-2022 and numbered as Petition No.06/2022-23. The same is as summarized hereunder:

Objections/Comments are invited from various stakeholders on Petition for Approval of ARR & Tariff Proposal for the FY 2023-24 by Department of Power, Government of Nagaland

Highlights of the ARR & Tariff Proposal for the FY 2023-24 submitted by Department of Power, Government of Nagaland.

Sr. No.	Particulars	FY 2023-24	
1	Annual Revenue Requirement		
i	Cost of power purchase (Rs. In Cr.)	404.61	
ii	Transmission Charges (Rs. In Cr.)	86.86	
iii	Total cost of power purchase (Rs. In Cr.) (i+ii)		491.48
iv	Cost of Generation (Rs. In Cr.)		20.06
v	Employee Expenses (Rs. In Cr.)	154.38	
vii	Repair & Maintenance Expenses (Rs. In Cr.)	34.61	
viii	Administration and General Expenses (Rs. In Cr.)	3.25	
viii	Total O & M Expenses (Rs. In Cr.) (v+vii+viii)		192.24
ix	Interest and finance charges (Rs. In Cr.)		0.00
x	Depreciation (Rs. In Cr.)		77.09
xi	Interest on working capital (Rs. In Cr.)		0.00
xii	Return on Equity (Rs. In Cr.)		0.00
xiii	Total Revenue Requirement (Rs. In Cr.) (iii+iv+viii+ix+x+xi+xii)		780.87
xiv	Less: Non-Tariff Income (Rs. In Cr.)		15.33
xv	Net Revenue Requirement (Rs. In Cr.) (xiii-xiv)		765.54

2	Annual Tariff Proposal (Post-paid)	Energy Charge (Rs./Kwh)	
I	CATEGORY 'A' DOMESTIC		
	(a) 0 to 30 kwh	5.35	
	(b) 31 to 100 kwh	5.90	
	(c) 101 to 250 kwh	6.50	
	(d) > 250 kwh	7.35	
II	CATEGORY 'B' INDUSTRIAL		
	(a) < 500 kwh	6.50	
	(b) 501 to 5000 kwh	7.00	
	(c) > 5000 kwh	7.65	
III	CATEGORY 'C' BULK	7.10	
IV	CATEGORY 'D' COMMERCIAL		
	(a) < 60 kwh	7.70	
	(b) 61 to 240 kwh	8.90	
	(c) > 240 kwh	9.30	
V	CATEGORY 'E' P.W.W.	7.60	
VI	CATEGORY 'F' Public Light	To be recovered from consumers *	
VII	CATEGORY 'G' INTERSTATE	6.30	
VIII	CATEGORY 'H' AGRICULTURE	3.35	
IX	CATEGORY 'I' TEMPORARY CONNECTION	DLF	Rs.11.00
		Others	Rs. 14.00
X	Kutir Jyoti (point)	Same as DLF	
XI	SINGLE POINT METERED RURAL	5.40	
XII	SINGLE POINT METERED URBAN	5.65	

Charges for public lighting have to be recovered from the Consumers of Domestic, Commercial, Industrial and Bulk categories at the rates shown below:	
Domestic	Rs. 10 per connection / month
Commercial	Rs. 15 per connection / month
Industrial	Rs. 20 per connection / month
Bulk Supply	Rs. 25 per connection / month

3	Annual Tariff Proposal (Prepaid)	Energy Charge (Rs./kwh)	
I	CATEGORY 'A' DOMESTIC		
	All Units	5.50	
II	CATEGORY 'B' INDUSTRIAL		
	All Units	6.60	
III	CATEGORY 'C' BULK		
	All Units	6.90	
IV	CATEGORY 'D' COMMERCIAL		
	All Units	8.30	
V	CATEGORY 'H' AGRICULTURE		
	All Units	3.15	

The Component of ARR & other parameters, proposed by Department of Power, Govt. of Nagaland may be increased, decreased or amended by NERC, even if not proposed by the licensee, to meet the requirements of Tariff Policy, Electricity Act and any decision by Hon'ble APTEL or Supreme Court on any Electricity related subject.

The Electricity consumers and other stake holders are invited to give written suggestions/objections/comments. Written suggestions/objections/ comments for Approval of ARR & Tariff Petition for the FY 2023-24 or any other aspect of the Petition limited to the specified subjects as above should be sent to "Deputy Director, NERC, Nr. E-n-C Office, Department of Power, A.G Colony, Kohima and a copy to the Chief Engineer (D&R), Department of Power, Government of Nagaland, Kohima-797001.

Copies of filings and application referred at above are available in the office of the Chief Engineer (D&R), Department of Power, Govt. of Nagaland, Kohima-797001. Interested parties may inspect / peruse the said MYT Petition and take note thereof during office hours at the office. Copies of the above documents can also be obtained from the above office on payment of Rs.200/-per copy of Petition in cash or through DD.

Suggestions in this regard may also be sent to nerc_kohima@yahoo.com and cepower1@gmail.com before 30-01-2023.

Superintending Engineer (Rev),
Department of Power
Government of Nagaland, Kohima.

PM Modi-i Rozgar Mela kubok mapanung shimokba shidi 71,000 agütsü

New Delhi, Aenjeti/January

20 (Agencies): Hokolbarnü Ato kilonser, Narendra Modi-i video conferencing ajanga departments aser organization balala nung mapanung shimokba shidi 71,000 dak tema lema agütsügo.

Modi-isa tang sorkar mapanung tasen shimokertem den jemi aser parnokia 'Karmayogi Prarambh' module nungi angazükba aser ajangshiba lemsatapa liasü. 'Karmayogi Prarambh' module ya mapanung shimokertem atema online orientation course ka lir.

Tamalen sorkari sangdong ka ajanga, "Rozgar Mela ya Ato kilonseri mapa aika adokdaksütsü nükjiding yur

inyakba mera ka lir. Rozgar Mela ya maneni mapanung adokdaksüba aser linük renlokba nung shilem agidaktsütsü atema lanurtem nem maongka agüja tashi agütsüba hadir ka ama sädaksütsü," ta metetdakja liasü.

Linük tesem balala nung tang mapanung tasen shimokertem jemi sorkar mapanung junior engineers, loco pilots, technicians, inspectors, sub-inspectors, constables, stenographer, junior accountants, grameen dak sevak, income tax inspector, tesayurtem, nurse tem, doctor tem, social security officers, PA aser MTS asütsü.

2002 Gujarat rara documentary atema research junga agiogo: BBC

London/New Delhi, January

20 (Agencies): India sorkari, Ato kilonser Narendra Modi indang BBC documentary ji tenüing menüktsütsü adokba lir, ta aitsüba sülen anogo ka lir Hokolbarnü BBC-i, iba ya kanga junga research agir adokba documentary lir, aser tongtibang onüktem sangdongtsü atema iba series adok, ta metetdaksü.

BBC documentary ajanga, 2002 kum Gujarat rara nung India nung leniri (Modi) shilem agia lir ta tai tonglokja alibaji British sorkari meteta lir, ta sangdongba sülen tawa British Parliament nung UK Ato kilonser, Rishi Sunak-i Ato kilonser, Modi pusema jembia liasü.

Iba series yangluba mapang British Broadcasting Corporation (BBC)-i, parnoki aika den asüngdangtepa iba documentary yanglu, ta metetdaksü.

BBC otongdari, "Ola balala angadangogo, tenük kuli alirtem aser mongintem ajurua jembigo aser BJP nung alirtem densema nisung aika indang tangatetba angadangogo. Onoki India sorkar danga item series nung aliba onüktem nung telangzüba agütsütsü temeden agütsü, ajisüaka parnoki telangzüba magütsü," ta metetdaksü.

Documentary series mezüngbuba shilem 'The Modi Question' ji 2002 Gujarat rara indang liasü aser ibaji

Bodhbarnü (January 18) saya. Iba documentary sayaba sülen Indian-origin UK sensotemi aser India sorkari iba documentary aitsügo.

BBC-i, parnoki alima tesem balala nung tongtibang onüktem sangdongtsü aser iba documentary series ajanga India nung Hindu majority aser Muslim minority na tsüngda tensa asadanger aser iba ama tensa dak sendakba nung India Ato kilonser, Narendra Modi indang politics asadanger, ta metetdaksü.

Brihostibarnü India-i 2002 kum Gujarat rara indang BBC documentary ya tenüing menüktsütsü atema lir, ta aija liasü. External Affairs Ministry otongdar, Arindam Bagchi-i, iba documentary ya tenüing menüktsütsü atema lir, nükjiding mali aser iba documentary nungji akhidang melungsentsü keta aliba jangjajangja ajiteter, ta metetdaksü.

"India: The Modi Question" documentary sayaba mapang nungjagi tenzüka video clips aika prokshio. Yimtenren nung tanemertem aikati twitter ajanga iba documentary repringang ta ajungshia liasü saka tangbo India nung documentary ji YouTube nungi agienadokogo.

2002 kum Gujarat nung yimsü dak sendakba rara tulu adoka anogo asemnü rara nung Muslim nung teimba ser nisung 2000 dak tema asü.



January 20, 2023 nü Kartavya Path, New Delhi nung Indian Air Force sepaitemi Republic Day Parade 2023 atema renemshidang tangokba noksa nung angur.



TIR YIMYIM YIMOBILEM (EDITORIAL)

DIMAPUR

KÜPTOKNÜ,

AENJETI 21, 2023

Lenirtem Asadangba Mapang

- Tangsen Lemtur

Tang ama assembly election agitsü mapang atongdang, Nagaland nunga yimsüsürtemi nübur koba tashika meimer, ta nisung aikati asadangtsüsa akümer. Nübur meimba lenirtem agi anüngba lima nung nüburtem okronger aser alima merenloker. Democracy lima ka asünungji nüburtemi lenirtemi shimteter; nübur tenzüksü shimtetba maongka aser akhümketji kanga tulu, ajisüaka lenirtemi ibaji junga mangatetba ajanga nüburtem timtemer. Asenoki memoa, lenir aika dak nübur chichia meimba jakla mangur. Social media nung ocettem repringdangra sorkar, yimten lenirtem aser ketdangsertem dak mulung masüba ocet aika angutsü, iba denji külemi ocet nung o semlok (comments) agütsürtemia mulung masüba lemsatepba angutsü. Iba o ya mejembi ang tajungba ta bilemer saka jembitsüsa akümer, kechiyong tashimait asadanga mejembira memelenshitsü aser asen lima maintsü. Nagaland nung mezüngbuba Legislative assembly election 1964 küm agi, aser iba mapang nungjagi tenzuka constituency shia MLA ajaki pei dang nungibo nüburtem taoba, ta meima inyak asübo asen state ya komaka renloker lila ta shisadanger. Constituency shia nungi nübur chichia meimba lenir kaka danga adok nungbo koda jungla. Nagaland state jenjang anguba sülen asen state nunga, taoba mapang Tamil Nadu Chief Minister, asür Kumaraswami Kamaraj aser taoba mapang Tamil Nadu Chief Minister, asür Jayalalithaa na ama nübur chichia meimba lenirtem adok asübo tanü asen state ya koba jenjang ka nung lila ta bilemer. Taoba mapang TN Chief Minister, Kamaraj-i kodanga takar küma chuba ama alitsü menükshi. Pa achi-ajem, aben-süoshi aser libaliro kanga tongmelang liasü, aser pa CM inyakdang pai pa itasen shilem teimbakati sensakertem ang yari. Pa ajuruner ajak pai ajurudaktsü aser akokba tashi parnok den sensaksem aser yimtenren lenirtem den-a tsükchi maden. India nung yimtenren lenir aika amitsür/sangremer lir, yamaji pa-a kibong mekümi liasü aser takar akümtsü memerangi nüburtem meima tenzuka aru. Yimtenren party koba südir süaka ajak nungji ochimashirtema densema lir, ajisüaka item ajakji toktsür nüburtemi tongtibangsa tongti lenir dak rangloker sorkar shimmer. Iba ama tatishitsü tajung lenirtem rongnung asür Jayalalithaa-a züngshir. Tamil Nadu nung nüburtemi Jayalalitha dang 'Oja' ta ajatsüsa maongka angubaji atomata masü, ajisüaka state nübur ajaki la dang Oja ta ajatsüsa la dak-a langa liasü. Jayalalithaa'er sorkari nüburtem taküm jenjang tajungba akümtsü atema Amma brand kübok sen dalang agi chiyongtsü agütsüba Amma canteens aika lapoka lir, tetsürtem atema scheme aika tenzükja kanga sensak tia kübok alir kibongtem (BPL) nem pangka, laptops aser mixers angati agütsür. Sensakertem taküm jenjang ajungkettsütsüji kanga tongtibang ta angateta Jayalalithaa-i aluyimer nem metsühjang densema aluyimba dak sendakba osettsüsettem nung subsidy agütsüba den külemi scheme aika tenzüksü, aser item ajak nungji tajung chiteta nüburtemi la nübener tetsüti ka ama züngshia 'Oja' aja. Tang peipei state nung nüburtemi kanga keta sen-a meimba chief minister tem rongnung anaji West Bengal Chief Minister, Mamata Banerjee aser Delhi Chief Minister, Arvind Kejriwal na asütsü. Ajioda Nagaland nunga Kamaraj, Jayalalithaa, Mamata aser Kejriwal nungger ama nübur chichia meimba yimten lenirtem aika adokdaktsüner. Nüburtemi lenir tajung meshim tashi mesüra nübur meimba lenirtem madok tashi asen state merenloktsü. Mamanger state tem nung nübur chichia meimba lenir 1 adokdang Nagaland ama Khristan state ka nungbo nübur meimba lenir tersü agi teimba adoktsüla.

OLEMSABANG

Yi tongpang nungi mozular wadang

P. Renthly Jamir

(Yashi adok nungi...)

Tanü alima ajakem America nung India nung Nagaland nung drugs addicts temji asenok aikati bilemer, ankong majung meshimejunger sensak lenir maor kibongtem nungi parnok chirtem dang ayoker, masu tular takataiter tetsü tebu tajungba sayutsüngir Reverend missionary chirtema aikasa lir. Ya alima Tzu mopung wara ka lir. India nung nuburtemi cinema actor actress tem yabo Kanga Mera keta repringer. Kechiyong alima teraksa melenshitsü nübur nübur Tia yanglushitsü parnoki film balala yanglua satur. Anungji actor actress teimba yi ajemba drugs achiba nungi dang masü moko Sali achiba nungia pilaa alitsü sudi ta asenoki bilemer aser aji shitak bilemba lir.

Saka cinema actor Sushant Singh Rajput asüba nung kodang Rhea Chakravorty apu Indian cinema actor actress noklang tema drugs achiba putetyonga ao. Aser osang kaket 08-09-2020 nung yamai angu. How funny is Rhea Chakravorty now. She and her lawyer said that she never consumed drug in her life and her lawyer too said that she was ready for test but now she is arrested on charges of drug procurement and consumption. Kenyongi machira ta la lawyerba tenapronglai ashi saka tachiba o shibelenba atema la apu.

Asen lima nunga yi tongpang anema raratsuba dang nungi Kanga agia drugs addicts tem atema inyaktsü tongtibangba kumogo aser yangi arogo shilem tulutiba lir. Joko parnoki tenlakitem nung tua auyatsü arentaka mebilemer. Tatalokba ka Mon district Sheanghah Wamsa Baptist Church rakpoka Tahsei Konyak aser Khamlong Konyak nati 01-07-2022 sen lakh ana auya. Saka 03-07-2022 nung V.G temi tena apu. Iba case nung Mon Judicial Magistrate B. Peter Resu-i o bendang agütsüdang yamai ashi, drugs addicts tali puluba agi auyuba kara-a zuina aor Tia maka Joko tenla kitem nunga auyar. Takum ya joko Mon district nung asemben buba ataloker. (Church breaking case) tena senchi sen 1000 kaka chir jaiili Kum anana yok. Iba ya arogotem WADANG Tulu lir kechiyong Yisu tesayuba nung sü meshira tola dena agüjang ta ashir nung auyar dang arogoi senchi achitsu Tim masü saka, auyabaji social evils asünung Tenla kidang auya yonga linuk temzüng agi merenshir.

Süra alima rangbenji toktsür dang asen Ao lima ABAM kubok drugs addicts mozü chiketer alir Khristan tajung kwika pei tanela molumi ajangzüker shi temang ayokotena alitsü ta bilemer. Parnok yabo yi jemer Tang noklangben agi tamajungba, parnoki tiazu dang jembir auyatsü maaker nisung ashioktur mozü achitsu dang ngura ojang. Parnok ya kijung lanur teimba lir. Karbo semchira lir dena lir.

Nüburtemi bilemer mozularitemji lanurtem dang lir, masu tanur pungo trok tebu teimba aser item kibong nung chirnur aser kinungtsutemji akumli molumi nung alir jenti lir. Iba atakatem ya Electioni air kandidatetemi bentsur aruba tuluba lir. Election Shia parnoki iba drugs lema taluposa chidaktsür. Aser kodang yijemer o mozü achir medemdangdir yim ka nung yijemer nisung pungo alinung noklangka ali ama bilemer, mozü achirbo noklang aliyonga memeteter. Yi shibelentsübo tasak, mozü bener arutsübo temela. Aser Nagalima arogotemi yi nokdangba agi Mizoram nung ama Mozular tali adoka nübur timtemer aser tanela jenti Samar.

Süra Tang tanela samaba kumzuktsü mission Wadang den repa shi temang taneptsu angutsu Ao lima nung ABAM-i yi tongpang nungi mozular wadangi khen meyipa mapa ka inyaktsü Koda? Aser ana ya sendaktepa alinung kodang Mozular atema inyakdir memeteti yijemer aika melenshir alitsü. Kibuba Yisua Pa mission mapa nung taneptsüba ya tongtibangba kasür inyak. Tang ABAM-isamaba tanelatem kumzuktsü asoshi mission mapa Arunachal, Manipur aser India tesem balalalen inyakba toktsür awaoa bendang lima Thailand Lahu mission, Cambodia mission, Mongolia mission, West Africa, Africa mali/Chad mission, China XIAN, China Yunnan kuming mission yamala nung sen jenti indoka inyakdar. Kechiyong sen agi peria lir. Ibayongji dang Nagaland government nema Foot Hills Road atema sen aika agütsüba asenoki meteta lir. Anungji ABAM mission Fund nungi Impur nung drugs addicts aser yilar atema Rehab Centre tajung ka lapoktsula, ibaji yi tongpang nunga shilem ka asutsu ta bilemer. Tang Ao lima nung akaba Rehab Center tem yabo business atema lapokbatemdang lir. Anungji Kum nung term 3 Ben ita pezü or term 4ben ita asem melenteptsü. Impur hospital nung sentakteptsu counsellor (chaplain) qualified ana asem ayutsü tarurtem Arogo nungi recommend tajung akartem asutsu, Fees talang tashi agitsü, tanga Rehab Centre nung ama masu moko Sali aser yamala mozü kecha magütsütsü ozung tamang den tanela chiyungtsü Tsüngrem o counsellor nungi agütsütsü.

Alima kin ajak dangi oa nütsüng kumdaktsur asen atepzüng nung jenti samaba merepringra Koda ta bilemer. Asenoki 1989 nungi yi tongpang rarayonga chipoi kecha mashi nung chipo ajak raksaja Aruba tejang karbo tanga sayutsü tim. Anungji YI TONGPANG NUNGI KHEN JENJANG KA ALANGKETA MOZULAR WADANGI meyipa DRUGS ADDICTS tem shi temang aser samaba tanelatem kumzuktsü Ao lima nung ABAM-imission taneptsüba mapa tasür Impur nung Rehab Centre ka lapoktsü mapang tongja tongogo ta tazunger den shisalemsateper.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

January 22 nü ICC-i küm 100 ajungba Jubilee amongtsü



Taoba mapang Irish Council of Churches (ICC) Moderator, Rev. Dr Ivan Patterson (abelen), ICC Tir, Rev. Andrew Foster (tiyong) aser Moravian Arogo nung tongti putir aser ICC tatong Tir, Sarah Groves nung noksa nung angur.

January 19, 2023: Taruba Amongnü (January 22, 2023) Belfast nung aliba St Anne Tenla kidang Irish Council of Churches (ICC) küm 100 ajungba Jubilee amongtsü aser iba sentong nung Presbyterian Moderator, Rev. Dr John Kirkpatrick densema Ireland tesem balala nungi Arogo lenirtem aika adentsü.

Iba sentong nungjisa Ballymascanlon Talks küm 50 abensaba mong repsema amongtsü. Ballymascanlon Talks leniba nung Irish Inter-Church Meeting tenzuka liasü.

'Celebrating our Reconciling Vision of Hope' omen nung ajemdaker iba sentongji Amongnü nikongdang 3:30 ako nungi tenzüksü.

Irish Civil War mapang

nung 1923 küm January 23 nü Irish Council of Churches (ICC) nung lenirtem mezüngbuba senden mena liasü.

1973 küm County Louth nung aliba Ballymascanlon Hotel nung ICC-i Ireland nung Roman Catholic Arogo lenirtem den mezüng senden amenba sülen taküm küm 50 abensar, aser tangbo item senden dang Irish Inter-Church Meeting (IICM) ta ajar. IICM nung co-chairman ji ICC Tir lir.

ICC küm 100 ajungba jubilee sentong nungji Armagh nung Roman Catholic tongti putir, Rev. Eamon Martin aser taoba mapang Methodist Arogo nung Tir, Rev. Dr Harold Good nati jembitsü. Iba sentong ya Belfast nung Dean, Rev. Stephen Forde leniba nung

agitsü.

Church of Ireland nung tongti putir aser ICC Tir, Andrew Forster-i, "Ireland nung temelenshi tulu aliba mapang aser memetetba tensa ka nung Irish Council of Churches ya tenzuka liasü; yamaji asen loktiliba nung telemsa adokba mapang ibaji nokdangtsü atema Irish Inter-Church Meeting tenzuka liasü. Mapang tamajungdang asen Arogotemi teimla bener arutsüba aser Yisu Khrista osangtajung lemsatpeba sülen taküm asenoki küm 100 ajungba amongtsü," ta metetdaktüsü.

Amongnü ayongzükba sentongji nikongdang 3:30 ako nungi St Anne Arogo indang Facebook page ajanga live reprangtetsü.

Nigeria, India aser China nung Khristantem taliba reshikangshitsü: RI

January 20, 2023: Taküm Nigeria, India aser China linüktem nung Khristantem reshikangshiba ano tamajungba akümtsüa akok, ta United Kingdom nung amenoka aliba organization Release International (RI)-i metetdaktüsü.

Release International CEO, Paul Robinson-i, "Alima tesem balala nung 2023 kümji Arogo aika atema tongtibang asütsü. Khristan yimsü samatsütsü atema tashiyim amshirtem puti otsü nungi tansütsü lesson magir. Reshikangshi ajanga tamang tashi itdaktüsür, ta puti otsü ajanga sayur. Reshikangshi ajanga Arogo tashi itshidaktüsür," ta metetdaktüsü.

Release International teloki linük 25 nung reshikangshi tia ajuruba kibongtem nem teyari agütsüsür aser tawa parnoki küm shia sayaba "Persecution Trends" report sayaogo.

RI report ajanga ashiba agi, 2023 küm tebilemtsü akaba linüktemji Nigeria, India aser China linüktem asütsü aser talisa tamajungtibaji Nigeria asütsü.

Nigeria nung Khristantem anema inyakba tamajungba dang akümer aser tesüiba küm ishika tsüngda iba linük nung Islamic kiralongrartem aser Islam yimsü alia amanger telok

balalai Khristan meyirjang aika tepsetogo. Talisa Nigeria nung February ita nung Tir election agitsü lia ano tensa tamajungba dang akümer.

"2023 küm election ajanga Nigeria aintsü mesüra tamajungba dang akümtsü," ta report nung shia lir.

"Nigeria nung Boko Haram aser Islamic State West Africa ama kiralongrar teloktemi maneni ketdangsertem tetuyuba mangar aser Fulani kiralongrartem Khristan yimtsüngtem maneni amaker," ta report nung shia lir.

Ano China nung Tir, Xi Jinping-i aniba Communist Party-i Evangelical Khristantem anema maneni inyaker aser Khristantem nem tai tonglokja apur.

"Xi Jinping kübok sorkari ajak azüokner. Parnoki Khristan yimsü ya ano junga mazüoktet ama bilemer. Khristan yimsü amangertem ya linük memeimertem aser anüolen aliba linüktem yimsü ta züngshir," ta China nung Release International partner-i metetdaktüsü.

China-i tamangba lokti pongu dang agizüka lir aser Early Rain Covenant Arogo densema register masüba Arogotem nung Khristantem

kanga reshikangshir.

Open Doors telokia, sorkari talisa Khristan lenirtem anema inyaker aser Arogo lenirtem aika puogo, ta metetdaktüsü.

China nung Khristan million 100 shi lir, ajüsüaka 2030 küm tashi nungbo alima nung Khristan nütsüng teimtiba aliba linükji China akümtsü, ta mongintemi asadangteter.

2023 küm India nunga Khristantem reshikangshiba jenjang tamajungba akümtsüa akok, kechiyong right wing BJP sorkar ajanga Hindu yimsü alia amangertem taliba temelung ulushir, ta Release International-i metetdaktüsü.

India nung nütsüng shilem 2.3 dang Khristantem lir aser nütsüng shilem 80 dak temabo Hindu nung lir. India nung state 10 dak tema nung anti-conversion ozüngtem benoka lir aser item ozüng nung ajemdaker Khristantem nem tai tonglokja apur.

"State aika nung anti-conversion ozüng agizükdar. Karnataka nunga September ita nung iba ozüng agizüka liasü. Linük nung taremzüktep maliba tamajungba küma pastor tem aser Khristantem anema inyakba kanga bulua akümer," ta RI report ajanga metetdaktüsü.

ANO GO ABEN TSÜNGREM DEN

Küm Tasen Kati Aiür

Asen taküm nung aser otsü nung asenok Küm Tasen kati aiür. Küm shia December 31 aonung Tejenba Küm meinoktsütsü aser Tasenba Küm agizüktsü aonung tepiyong lungso tepa telok tulu adenshia atar. Kodang ayatrem 12:00 ako atonger teloki ken tena Tejenba Küm dang salem ashir aser Tasenba Küm agizüker. Küm Tasen salem kati ka dang shia pelateper. Asenoki Küm Tasen ta ajabaji alimai anü meketa alungdang Küm shia kasa mapang lepshia aruba ka dang lir. 4th Century BC nung Greek nung philosopher tulu ana, Permanides aser Heraclitus tsüngda nung tatsütepba tulu adok. Heraclitusi ashir, kecha nunga teti asoshi melenshiba mali. Ibaji angatetdaktüsü pai yimya aliba ayong ka nung pa pungoka aiba tatishitsü ashi, "Ni ayong kati pungoka ai saka kasa tzü nungji mair." Tzüji maneni ayimer asü nung yimya agi pungoka aiba mapang nung aliba kasa tzü to malir. Saka Parmanidasi kuli agütsübaji, koba asenoki temelenshiba ama angur aji tashioktsüba ka dang lir. Ayong nung tzüji maneni ayimer, aji saka kodang tzüyim nung yimoker yimsar mepet akümer aser tsünglu kümer ayong nung yimoker. Asenok tsüngküm pezü kar- asükwa, metsü mapang, meiwa, Mangkonang. Tsüngküm melenshiba amaji aluyimeri alu inyaker aser arur. Tsüngküm pezüji asenok dang lepshia arur. Tsüngküm lepshia aruba ama asenoki koba dang temelenshiba ta ajar ibaji telepshiba ka dang asütsü akok.

Ano mapangji anütezü tuyuba mapang - second, minute, ghonda aser anogo, hopta, ita aser küm. Ibai mapang asadangba lir. Anogo shia asen taküm nung anogo ka ka süklidksür aser asenok taküm tatembang kati arur. Tebur tajung mapangji ajak nem kasa agütsü; takar mesüra sensaker, lanur, mesüra tain, tular mesüra tilar ajak nem ghonda 24ji agütsü. Asenoki anogo ka mejungi süidakjaaka ano asenok nem ghonda 24 agüja lir. Mapang tajung tasen, takoktsü leman tasen asenok nem agütsüsür. Iba taochi mapang asoshi asenoki Tsüngrem tenüng asangtsü tenüngdaktüsü. Asenoki zütokra tasüngtet aiür amato (Mt. 25:11f) tamashiji asenok lir. Asenoki mapangji koda amshir?

Otsü ibai lepshiaka Laishiba nung ibai Tsüngrem sentong atalokba dangi aor. Iba dang kümzükba otsü (pattern) ta ajar: Tetenzük, tiyongtsü aser tatembang. Ibai mapang temeja (unique) melenshibaji lir.

Pauli iba dangji "Mapang tetemsü" ta aja (Gal. 4:4). Asenoki mapangji Khrista maruba mapang (BC), aser Khrista arur külen (A.D.) ta azünger. Khristaji otsü nung teyongtsü süra, taküm nung Pa tiyongtsü südaktüsüla.

Pakistan nung Tsüngrem mezüngmeshiba ozüng tesashiba agizük

January 20, 2023: Pakistan nung minister temi vote agütsütepa linük nung Tsüngrem mezüngmeshiba ozüng tesashiba ka agizükogo, aser ibaji ajanga Khristantem densema minorities shisabulu tenzükogo.

Tan hopta Pakistan nung National Assembly-i Criminal Laws Bill tasenba agizükogo; iba ozüng kübok Islam ainkar, Mohammed'er tembartem, kinüngtsümet aser kibong züngsemtem mezüngmeshiba/atalaba atema küm 3 nungi küm 10 tashi tepuokdak ayutsü aser senchi million 1 achitsü.

Pakistan nung Tsüngrem mezüngmeshiba ozüng kübok Islam yimsü mezüngmeshirtem nem tasüba temerenshi aser taküm piyong tepuokdak ayutsü obendang agütsüsür.

Christian Solitary Worldwide (CSW)-i ashiba agi, item ozüngtemji teratet junga mali, ibayongji mangyangtsü atema

item ozüngtemji Muslim nung mesüra tanga yimsü amangertem anema melamela hadir ka ama amshir.

Talisa senotsü mesüra ali kimong nung mangatettep adokra mangyangtsü atema Tsüngrem mezüngmeshiba ozüng kübok tiyazü nung tai tongloktsüsür, ta CSW-i metetdaktüsü.

CSW tentetsang, Mervyn Thomas-i, "CSW-i iba Bill nung aliba ozüngtem atema kanga shisabulutsüsür. Pakistan nung tang aliba Tsüngrem mezüngmeshiba ozüng kübok aika tepsetogo aser tiyazü nung tai tonglokja loktii nija anema inyakba tatalokba aika lir, ajüsüaka Pakistan parliament nung iba bill atema o melemtepi agizükogo," ta metetdaktüsü.

"Pakistan linük temzüng nung aliba ama linüki minority tem kümzüksü atema inyaktüsüla," ta paisa metetdaktüsü.

GOVERNMENT OF NAGALAND
OFFICE OF THE LABOUR COMMISSIONER
NAGALAND : : KOHIMA
New Capital Complex

NO.LBR-984/84/552

// Dated Kohima, the 20th January, 2023

CIRCULAR

This is to inform to all the interested candidates that, the training course on cutting & tailoring, knitting and embroidery for the year 2023 is scheduled to commence from April, 2023 at the respective Labour Welfare Centres (LWC); (i) LWC Dimapur (ii) LWCTuli, Mokokchung (iii) LWC Wazeho Mini Cement Plant, Phek and (iv) LWC Doyang Hydro Electric Project (DHEP) Doyang. The application forms for the 8 (eight) months training course will be issued from 1st February 2023 at the respective Labour Welfare Centre's during office hours. The last date for submission of the application forms will be on or before 15th February, 2023. As seats are limited applicants will be selected on first cum first basis. The Department will provide all the training materials, kits, free of cost to each trainee throughout the training period.

Sd/- (Er. S. L. WATI AIER)
Labour Commissioner
Nagaland, Kohima.

GOVERNMENT OF NAGALAND
OFFICE OF THE CONTROLLER OF LEGAL METROLOGY
& CONSUMER PROTECTION DEPARTMENT, NAGALAND, KOHIMA.

ADVERTISEMENT

Applications are invited from the indigenous inhabitants of the state/districts for filling up the vacant post of the Male Member to the Nagaland State Consumer Disputes Redressal Commission (State Commission).

Sl. No.	Office	Designation	No. of vacancy
1.	Nagaland State Consumer Disputes Redressal Commission (State Commission)	Male Member	1 (One)

Criteria/ Qualification for appointment of the Members of the Nagaland State Consumer Disputes Redressal Commission (State Commission) and District Consumer Disputes Redressal Commission (District Commission) are based under Rules No. 3 (2) , No. 4(2) , No. 6 (1-13) & No. 10 of The Consumer Protection (Qualification for appointment, method of recruitment, procedure of appointment, term of office, resignation and removal of the President and members of the State Commission and District Commission) Rules, 2021 is mentioned below:

A. Qualifications for appointment of Member, Nagaland State Consumer Disputes Redressal Commission:

(1) A person shall not be qualified for appointment as a Member, unless he is of not less than forty years of age and possesses :

(a) A bachelor's degree from a recognized university and is a person of ability, integrity and standing, and has special knowledge and professional experience of not less than twenty years in consumer affairs, law, public affairs, administration, economics, commerce, industry, finance, management, engineering, technology, public health or medicine.

(2) The Member of the State Commission shall hold office for a term of four years or up to the age of sixty-five years, whichever is earlier.

C. Salaries, allowances and other terms and conditions of service of Members of State Commission & District Commission. - The State Government may, by notification, make rules to provide for salaries and allowances and other terms and conditions of service of the Members of the State Commission & District Commission.

➤ **Interested persons may submit their applications with all relevant documents to the Office of the Addl. Controller & HoD, Legal Metrology & Consumer Protection Department, Near Agri Office, AG Colony, Kohima on or before the 20th February' 2023.**

Tibet: Avalanche nung asür 20 jungogo; nisung 8 samar bushidar

Lhasa, Aenjeti/January 20 (Agencies): Tibet nung avalanche ka alua highway tunnel ka den sendaktepba lenmang ka nung gari aika anenbanga sülen tang tashi nung nisung 20 asüba jangjaogo aser nisung ti samara jangjaogo aser nisung ti samara bushidar. Chinese state media-i Hokolbarnü lemsatepba noksa nung teküzmükertemi mechanical diggers tem amshia rürjeb agi anenbanger aliba garitem bushiba nguogo. Avalanche yagi Tibet kübok Nyingchi yimti

aser Medog county na nung alua liasü, ta Xinhua News Agency-i metetdaksü. Highway tunnel ka dak Lendong nung jenbor parnok kongshia liasü. Hokolbarnü tashi nung ta kasa sangdong ajanga metetdaksü.

asür 20 asüba jangjaogo aser nisung ti samara Yimdaklir kati Global Times dang ashiba agi, avalanche aluba mapang lenmang nung senzüa alirtem ya timba Tibet nungertem liasü, shirnok Lunar New Year amungtsü atema kidangi meyipa aruba mapang iba lendong ajuru. Lunar New Year ya Deobarnü tenzüksü.

asür 20 asüba jangjaogo aser nisung ti samara Yimdaklir kati Global Times dang ashiba agi, avalanche aluba mapang lenmang nung senzüa alirtem ya timba Tibet nungertem liasü, shirnok Lunar New Year amungtsü atema kidangi meyipa aruba mapang iba lendong ajuru. Lunar New Year ya Deobarnü tenzüksü.

TARGET NPSC 2023PRELIMS
PREPARATIONMAINS
PREPARATIONINTERVIEW
PREPARATIONWITH
NSSB


TOP EDUCATORS

CONCISE MATERIALS

RS. 45,000/- ONLY JOIN TODAY**TARGET UPSC 2024**

GS FOUNDATION

OPTIONAL PSIR | HISTORY

YES, YOU CAN BECOME THE NEXT**IAS****NCS****WE DELIVER QUALITY TEACHING & CONTENT**

GIRLS PG IN CAMPUS

BOYS PG IN CAMPUS

CALL NOW @7005114715
ADMISSION OPEN**EduVersity**
NPSC PREPARATION 2.0**Kenya security force-i al-Shabab züngsem 10 tepset**

Nairobi, Aenjeti/January 20 (Agencies): Kenya security force-i Somalia nung amendaker aliba al-Shabab telok nungi züngsem 10 Kenya anütoklen tepsetogo, ta sorkar ketdangsiir kati metetdaksü.

Garissa county kübok Galmagalla yimtsüng nung Bodhbarnü telungpurtem den khatepba sülen parnoki rocket-propelled grenade aser improvised explosive devices tem ngutetogo, ta Bura East sub-county deputy county commissioner Thomas Bett-i Brehostibarnü metetdakja liasü.

"Iba tesem nungi Somalia nunger telungpurtem samatsütsü atema onok indang

multi-agency team kati meita aoba sentong ka benoka liasü aser parnoki Islamist group militants 10 tepsetba den prangbong injangtem ngutetogo," ta pai Reuters new agency dang ashi.

Somalia central sorkar nem teyari agüja aliba African Union peacekeeping force nungi Kenya nunger sepaitem anintsü atema nongshitsü asoshi al-Qaeda den sendak aliba telok ya Kenya nung küm iaka inyaksangshia arudar.

Al-Shabab puri, Kenya anütoklen security force, school, gari, jila aser telecommunications infrastructure tem maka arudar, ajisüaka tawa iba amala tesemtem amakba tajemba kümogo.

2013 küm Nairobi nung Westgate shopping mall amakba sülen parnoki nisung 67 tepseta liasü.

Somalia nung central sorkar atsüngtoka Islamic ozüng tesashi benoka yimsü asütsü atema Al-Shabab pur küm ter dak tema rara arudar.

Taoba hopta iba telok yagi Kenya indang highway authority kübok inyaker nisung pezü tepseta liasü. Brehostibarnü kasa tesem nung rocket-propelled grenade kati convoy ka dak kongshiba sülen nisung ka asü, ta police sangdong ka ajanga metetdaksü.

KDCA-i ayonga U-14, U-19 cricket coaching camp tenzükogo



U-14 aser U-19 cricket coaching camp nung shilem agirtem tangokba noksa nung angur

Kohima, Aenjeti/January 20 (TYO): Kohima District Cricket Association (KDCA)-i ayongzuka U-14 adser U-9 cricket coaching camp ka tenzükogo.

Iba camp ya Dziesevotuo John Belho-i achaayanga agidar. Iba cricket coaching

camp ya Kohima Destitute & Orphanage Home, T. Khel model village nung agidaki.

Camp ya Deobarnü dak alak hopta tepeyong terutu nungi tenzuka nikongtsütsü 4:00 ako tashi agir. Camp nung shilem agirtem ajak anepdang 7:00 nungi tenzuka 9:00 ako tashi

fitness training agir.

Camp tenzükatokogo, ajisüaka coaching agitsü jangrartemi maneni parnok tenüng Kikrusetuo Sekhose nem pa indang whatsapp (+91 81189 25708) ajanga agüja züngoksemettsü, ta kasa sangdong ajangsa metetdaksü.

Team India dang match fee shilem 60 senchi achi

New Delhi, Aenjeti/January (Agencies): Hyderabad nung New Zealand den mezüngbuba ODI asayaba mapang atakzükja aliba mapang dang nungi mapang tali agiba (slow over-rate) atema Team India dang senchi aika chiogo.

Atakzükja aliba mapang dang nungi over asem agi tali agia asayaba atema ICC match referee Javagal Srinath-i India team dang match fee shilem 60 senchi chia liasü. Telemtetba magi tsüngda time allowances kanga junga asadanga liasü.

"ICC Code of Conduct for Players and Player Support Personnel kübok Article 2.22

koba minimum over-rate offences dak sendaka lir iba dak ajemdaker asayartem dang atakzükja aliba mapang nung montetba over shia parnok indang match fee shilem 20 senchi chiogo," ta ICC-i sangdong ka ajanga metetdaksü.

India captain Rohit Sharma-i aibelen nangzükogo aser temerenshi agütsüba agizükogo, anungji ken o angdangtsü atema nüngdak matoktsü.

On-field umpires Anil Chaudhary and Nitin Menon, third umpire K N Ananthapadmanabhan aser fourth umpire Jayaraman Madanagopal nungeri iba ken o

ya benoka liasü.

Iba asaya ya India-i run 12 agi dang koka liasü aser New Zealand den ODI asaya asem asayatsü aliba nung parnok 1-0 agi tejakdang lir.

Iba asaya nung Shubman Gill (run 208; ball 149) aser Michael Bracewell (run 140; ball 78) nati kanga junga asaya liasü.

Asaya nung mezüng batting amenba sülen India-i run 349 yanglu. Asaya akoktsü atema run 350 nüngdaka asaya tanabuba shilem tenzükba sülen New Zealand puri over 49.2buba nung asayar ajak out ser run 337 yanglua run 12 agi asaya mekoki liasü.

Australian Open: Stefanos Tsitsipas, Iga Swiatek-i takok angu

Melbourne, Aenjeti/January 20 (Agencies): Stefanos Tsitsipas aser Iga Swiatek nati Hokolbarnü third-round asaya ayong ayonga koka quarter final-i iogo. Asaya mapanglem nung tetsükdaksü adokba den tsüngsang majungba ajanga asaya junga masayatetba sülen Hokolbarnü asaya tsüngsang tajung nung kanga benteta asayaogo.

Third seed asayar Tsitsipas-i 6-2 7-6(5) 6-3 agi Netherlands nunger asayar Tallon Griekspoor madak takok ngua liasü.

Tsitsipas-i taküm iba asayamung nung set ka nung danga tamakok ngua mali aser pai mezüngbuba Grald Slam akoktsü atema meranga asayaba mapang Rafa Nadal aser second seed asayar Casper Ruud tsükba den Novak Djokovic-a temang

nung timtem aliba ajanga iba asayamung akoktsü asoshi pa nem timla agütsür.

Tsitsipas taruba asaya Italy nunger asayar Jannik Sinner den asayatsü.

Kasa asayamung tetsür kija asaya nung Swiatek-i 6-0 6-1 agi Cristina Bucsa madaka yong ayonga takok nguogo. Lai tang tashi nung French Open ana aser U.S. Open ka ta koka lir.

Swiatek taruba asaya Wimbledon champion Elena Rybakina den asayatsü, shibai taoba küm Melbourne Park runner-up Danielle Collins 6-2 5-7 6-2 agi koka liasü.

Tetsür asaya nungsa Jessica Pegula-i, Marta Kostyuk 6-0 6-2 agi kokogo, koba 2023 küm United Cup nung Petra Kvitova makokba sülen straight set nung game tenetbuba akokba asütsü.

Kasa mapang nung

America tsür Coco Gauff-i America tsürsa Bernarda Pera 6-3 6-2 agi kokogo.

Tebur kija asaya nung Mackenzie McDonald, shibai Nadal tsükdaksa liasü pai Japan nunger asayar Yoshihito Nishioka-i 7-6(6) 6-3 6-2 agi kokogo.

Maneni tebur asaya nung Sinner-i 4-6 4-6 6-1 6-2 6-0 agi Marton Fucsovics koka liasü. Mezüngbuba set ana makokba sülen Sinner-i meyiper kanga junga asayateta Hungary nunger asayar madak takok ngua liasü.

Taoba mapang French Open koker aliba asayar Barbora Krejckova-i 6-2 6-3 aser Anhelina Kalinina ayong ayonga kokogo aser la taruba asaya Pegula den asayatsü.

Felix Auger Aliassime-ia 6-1 3-6 6-1 6-4 agi Francisco Cerundolo madak takok nguogo.

FIH World Cup: Australia-i goal 9-2 agi South Africa kokogo

Aenjeti/January 20, 2023

(Agencies): Hokolbarnü FIH Men's World Cup pool A nung Australia aser South Africa na asayaba mapang Blake Govers-i goal pezü idakja Australia-i asaya goal 9-2 agi koka liasü. Iba asaya akokba sülen Australia team pool A nung temaba jenjang nung tembang quarter final-i iogo.

Quarter nung Australia team Malaysia aser Spain na tsüngda January 24 nü Bhubaneswar nü asayaba sülen takoker den asayatsü.

Govers-i asaya nung minute 4, 15, 19 aser 20buba nung goal pezü idaktsü aser half time tashi nung score 7-1 liasü. Pa idaktsüba mezüngbuba aser pezübuba goal ya field goal liasü aser tanabuba ya penalty corner ka nungi aser tasembuba ya penalty ka ajanga idakja liasü.

Australia team atema tanga goal tem ya Tom Craig (10th), Jake Harvie (22nd), Daniel Beale (28th), Jeremy Hayward (32nd) aser Tim Brand (47th) nungeri idaktsü.

South Africa atema Ntuli Nqobile (8th) aser Kok Tevin (58th) nati goal kaka idaktsü. Goal anaprongla field goal liasü.

Asaya nung tasembuba aser pezübuba quarter nungbo Australia team-i meyilongi asaya aser quarter anaprongla nung goal kaka dang idaktsü.

Australia team-i idaktsüba goal tema ya pongu field goal

aser asem penalty corners ajanga idakja liasü.

Pool A nung tanga asaya ka nung Argentina aser France napronglai tatembangbuba minute goal kaka idakja asaya goal 5-5 nung tembanga liasü.


Iba pool nung Argentina-i asaya asem nungi point pongu nguteta tanabuba jenjang nung tembangogo aser France-i point pezü nguteta tasembuba jenjang nung tembangogo.

Argentina team January 22 nü Bhubaneswar nung Pool B nung tasembuba jenjang nung tembangba team den asayatsü aser France pur Pool B nung tanabuba jenjang nung tembangba team den asayatsü.

Iba asaya nung France atema Charlet-i (36th, 38th, 48th aser 60th) goal pezü idaktsü, kong goal anabo penalty ajanga idaktsüba densema lir. Pai mezüngbuba aser tatembangbuba goal ya penalty ajanga idaktsü aser tanabuba aser tasembuba goal PC ajanga idaktsü. Tynevez Etienne-ia France atema minute 11buba nung goal ka idaktsü.

Argentina atema Nicolas Della Torre-i (34th, 42nd aser 60th) goal asem idaktsü aser Keenan Nicolas (3rd) o Martin Ferreiro (51st) nati kaka idakja liasü.

Netherlands aser England na Pool C aser Pool D nung temaba jenjang nung tembangba sülen Brehostibarnü quarterfinal-i iogo.



Mokokchung, Aenjeti/January 20 (TYO) : Salangtem Ward Mokokchung nung mezüngbuba Futsal asayadak Fifa approved Futsal Turf January 20 anepdang Mokokchung Town Baptist Arogo Asso. Pastor Rev.Sentimeren-i meshitetja sarasademtsü dang tangokba noksa.

BILEMDANGANG

"Aika akaba agi masü saka jangraba agi agüjang."